

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
 fax: + 387 33 552 810
 selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
 fax: + 387 33 552 810
 dzenita@sogfbih.ba

Sadržaj biltena:

Održana panel diskusija Saveza općina i gradova FBiH i novinara o izazovima izvještavanja o lokalnoj samoupravi	1
Nagradni fond 48.000 KM osmog kruga Beacon Plus	2
U općini Gračanica održana javna rasprava o radnoj verziji Zakona o međupopćinskoj saradnji	2
Sa predstavnicima federalnih ministarstava održana radionica na temu: "Raspodjela budžetskih sredstava OCD"	3
Načelnik Breze ugostio delegaciju Općine Kikinda	4
Općina Grude sa Splitsko-dalmatinskom županijom u projektu vrijednom blizu 700.000 eura	4
Kreirana virtualna žetnja kroz Mostar	5
Planirane aktivnosti Saveza na ILDP projektu	5
Općine koje obilježavaju svoj dan u mjesecu augustu/kolovozi	7

Bilten Saveza općina i gradova Federacije Bosne i Hercegovine

ODRŽANA PANEL-DISKUSIJA SAVEZA OPĆINA I GRADOVA FBiH I NOVINARA O IZAZOVIMA IZVJEŠTAVANJA O LOKALNOJ SAMOUPRAVI

SARAJEVO, 17. juli/svibanj – U Sarajevu je danas, u sklopu projektnih aktivnosti Saveza općina i gradova FBiH održana panel diskusija za novinare pod nazivom "Izazovi izvještavanja o lokalnoj samoupravi i pozicija i uloga Saveza općina i gradova Federacije kao krovne organizacije lokalne samouprave u medijskom prostoru".

Cilj održavanja panel diskusije je pokušaj poboljšanja i iniciranja nove vrste komunikacije lokalnih zajednica i Saveza prema medijima i obrnuto. Panel je iskorišten da se novinarima približi i predstavi rad Saveza, posebno one koji izvještavaju sa lokalnog nivoa, otvarajući diskusiju o pitanjima od zajedničkog interesa.



Sa panel diskusije, 17.07.2013.

Za Agenciju ONASA, direktorica Saveza Vesna Travljanin je izjavila kako „Savez smatra da bi izvještavanje s lokalnog nivoa trebalo imati veću, bolju i transparentniju ulogu u medijima”. Naglasila je da mediji svakodnevno plasiraju brojne vijesti koje se tiču viših nivoa vlasti, a da je lokalni nivo dosta zanemaren, vjerovatno zbog, kako je navela V.Travljanin, činjenice da je na tom nivou manje senzacionalizma.

"Smatramo da skupovima poput današnjeg možemo ojačati taj segment, odnosno doprinijeti da se medijski više prate događaji koji se odnose na ono što je život, a život je u općinama gdje građani dolaze da riješe svoje svakodnevne probleme", kazala je V.Travljanin.

Ukazala je i na činjenicu da Savez redovno organizuje brojne skupove kojima prisustvuju načelnici, ali i drugi predstavnici općina u FBiH, gdje se rješavaju konkretni problemi iz svakodnevnog života građana, a koji su medijski loše praćeni.



Tokom diskusije mogli su se čuti razni komentari kao "rad Saveza nije senzacionalan na način na koji to mediji vole i to je jedan od razloga zašto mediji ne prate ono što mi radimo", ili "novinari stavlja u prvi plan, dok potrebnu i zasluženu medijsku pažnju ne mogu dobiti ni sportski ni kulturni radnici".

U okviru diskusije izdvojilo se više preporuka na koji način Savez treba da djeluje kako bi poboljšao vlastitu komunikaciju s medijima, te uticao na to da lokalne teme nađu lakši put u zauzimanju medijskog prostora.

Panel-diskusiju finansijski je podržala Švedska međunarodna agencija za razvoj i saradnju - Sida, a skup je organizovala Međunarodna kooperativna agencija asocijacije holandskih općina - VNG -International kroz projekat "Razvoj kapaciteta entitetskih saveza općina i gradova" (CDMA).



NAGRADNI FOND 48.000,00 KM OSMOG KRUGA BEACON PLUS/NAJBOLJE PRAKSE - Poziv za aplikacije

Program Beacon sheme u Bosni i Hercegovini započeo je u augustu/kolovozu 2005. godine kada su ga zvanično predstavili Misija OSCE-a u BiH i Vijeće Evrope, s ciljem prepoznavanja i promoviranja najboljih primjera iz prakse na lokalnom nivou vlasti.

Od 2009. godine ovaj program je prešao u nadležnost lokalnih vlasti i zaživio kao sastavni dio procesa reforme lokalne uprave. Sticanje Beacon statusa prepoznato je i prihvaćeno kao prestižna nagrada među općinama koje konkurišu, općinskim službenicima, građanima kao i svim ostalim zainteresiranim stranama.

S ciljem unapređenja cjelokupnog projekta, radna tijela koja njime upravljaju, su u 2013. godini uvela izmjene u sve faze projekta (faze prijave, izbora i razmjene najbolje prakse). Dosadašnji naziv „Bikon šema“ je promijenjen u „Bikon plus-najbolje prakse“. Osmišljen je da unaprijedi postojeću Bikon šemu i nastavi da bude sredstvo identifikovanja, prepoznavanja i promoviranja inovacija i uspjeha na općinskom nivou upravljanja.

U prethodnih sedam godina BiH Bikon projekta više od 66 % općina u BiH se prijavilo za učešće, a do sada je općinama u BiH ukupno dodijeljeno 47 Bikon priznanja.

Teme na koje općine u ovoj godini mogu aplicirati su:

- **Tema 1: Civilna zaštita – funkcionisanje jedinica lokalne samouprave u vanrednim situacijama (elementarne nepogode)**
- **Tema 2: Stvaranje povoljnog poslovnog ambijenta u jedinicama lokalne samouprave s ciljem privlačenja investicija**
- **Tema 3: Saradnja Općinskih vijeća sa građanima u procesu donošenja odluka**
- **Tema 4: Zaštita životne sredine u funkciji održivog razvoja općine/grada**

Nagradni fond „Bikon plus-najbolje prakse“ za 2013. godinu iznosi 48.000,00 KM. Sredstva za ovu namjenu obezbijedena su od Federalnog ministarstva pravde i Ministarstva uprave i lokalne samouprave Republike Srpske.

Kvalitet života građana BiH u velikoj je mjeri određen uslugama koje im nude njihove lokalne vlasti. Ovakvom ulogom, općine imaju odgovornost da članovima svojih lokalnih zajednica osiguraju pružanje javnih usluga na najbolji i najdjelotvorniji način. Putem prepoznavanja i promoviranja najboljih praksi na lokalnim nivoima vlasti, Beacon pruža direktno podršku ovom procesu, i u posljednjih osam godina ovaj program je postao sastavni dio razvojnog procesa lokalne uprave.

Rok za prijavu je 25. avgust/kolovoz.

U OPĆINI GRAČANICA ODRŽANA JAVNA RASPRAVA O RADNOJ VERZIJI ZAKONA O MEĐUOPĆINSKOJ SARADNJI

GRAČANICA, 15. juli/srpanj – Danas je u multimedijalnoj sali Općine Gračanica održana javna rasprava o radnoj verziji Zakona o međuopćinskoj saradnji. Riječ je o jednoj od sedamnaest javnih rasprava koje se održavaju u općinama i gradovima širom BiH, a na kojima se raspravlja o predloženim zakonskim rješenjima kreiranim s ciljem unapređenja rada i funkcioniranja jedinica lokalne samouprave u Bosni i Hercegovini. Javne rasprave su dio projektne komponente „Načelnici za razvoj lokalne samouprave“, koju u okviru projekta „Doprinos ustavnoj reformi BiH“, podržanog od strane Švicarske agencije za razvoj i saradnju, implementiraju Savez općina i gradova FBiH i Savez opština i gradova Republike Srpske. Na današnjoj javnoj raspravi u Gračanici o Zakonu o međuopćinskoj saradnji govorili su načelnik općine Gračanica Nusret Helić, poslanik u Predstavničkom domu parlamenta FBiH Slaviša Šućur i Amir Kupusija, voditelj projekta (SOGFBiH).

Općinski načelnik Nusret Helić u pozdravnom je govoru kratko upoznao prisutne sa projektom „Načelnici za razvoj lokalne samouprave“, te istakao prednosti ovakvog načina predlaganja zakona – od jedinica lokalne samouprave ka višim nivoima vlasti. Dodao je da je pomenuti zakon



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Savez općina i gradova Federacije Bosne i Hercegovine i načelnici općina: Čitluk, Gračanica, Nova Sarajeva

Vas pozivaju na Javne rasprave:

prijedloga Zakona o međuopćinskoj saradnji

12.07.2013. godine, sa početkom u 11:00 sati, u sali općine Čitluk (Kralja Tomislava br. 87)

15.07.2013. godine, sa početkom u 11:00 sati, u sali općine Gračanica (Mula Mustafe Bašeskije br. 1)

17.07.2013. godine, sa početkom u 11:00 sati, u sali općine Bugojno (307 Motorizovane brigade br. 92)

www.ccr.ba

značajan što će regulisati saradnju i vrste saradnje među jedinicama lokalne samouprave. Slaviša Šućur, poslanik u Predstavničkom domu Parlamenta FBiH u ovom projektu učestvuje kao član ekspertnog tima, čiji je doprinos u procesu izrade prijedloga Zakona o međupćinskoj saradnji važno zbog njegovog bogatog iskustva u ovoj oblasti. Obrazlažući radnu verziju pomenutog zakona kazao je kako su prije rata mnoge stvari urađene zahvaljujući dobroj međupćinskoj saradnji, međutim situacija se kasnije znatno izmijenila. Zato se u praksi pokazala potreba za uspostavljanjem pravnog okvira koji će općinama stvoriti siguran teren za međusobno djelovanje. Upravo to nudi ponuđena radna verzija Zakona o međupćinskoj saradnji.

Prisutni su imali priliku uputiti primjedbe, sugestije i prijedloge na ponuđeni radni materijal zakona, koje će biti razmotrene i uvrštene u konačnu verziju koja će biti upućena u dalju proceduru. U okviru projekta „Načelnici za razvoj lokalne samouprave“ osnovni zadatak načelnika u narednom periodu je da se posvete zagovaranju predloženih zakonskih rješenja i politika pred entitetskim i državnim vlastima.

Zakon o međupćinskoj saradnji o kome se danas raspravljalo u Gračanici jedan je od 5 zakona i 2 politike koje je kreiralo šest načelnika/gradonačelnika sa dugogodišnjim iskustvom, među kojima je i načelnik općine Gračanica, te petnaest eksperata iz odgovarajućih oblasti.

Javnoj raspravi prisustvovali su predstavnici drugih općina, kao što su Srebrenik i Maglaj, predstavnici viših nivoa vlasti, nevladinog sektora, uposlenici Općine i mediji.

(<http://www.opcina-gracanica.ba>)

SA PREDSTAVNICIMA FEDERALNIH MINISTARSTAVA ODRŽANA RADIONICA NA TEMU: „RASPODJELA BUDŽETSKIH SREDSTAVA OCD“



Savez općina i gradova Federacije BiH, u saradnji sa Razvojnim programom ujedinjenih nacija (UNDP), od 01. januara/siječnja 2013. godine počeo je sa implementacijom projekta „Podrška jačanju lokalne samouprave FBiH u pružanju efektivnijih i efikasnijih usluga“. U okviru komponente LOD III ovog projekta, predviđena je aktivnost podrške vertikalnoj integraciji LOD metodologije kao mehanizma za transparentno finansiranje projekata organizacija civilnog društva po standardima EU. S tim u vezi, Savez je 16. jula/srpnja 2013. godine

organizirao radionicu za predstavnike federalnih ministarstava kojoj su prisustvovali predstavnici iz sljedećih ministarstava:

- Federalnog ministarstva razvoja, poduzetništva i obrta,
- Federalnog ministarstva prostornog uređenja,
- Federalnog ministarstva energije, rudarstva i industrije,
- Federalnog ministarstva trgovine,
- Federalnog ministarstva prometa i komunikacija,
- Federalnog ministarstva rada i socijalne politike,
- Federalnog ministarstva pravde,
- Federalnog ministarstva raseljenih osoba i izbjeglica i
- Federalnog ministarstva okoliša i turizma.

Cilj organiziranja radionice je bio da se prikupe informacije o iskustvima i poteškoćama federalnih ministarstava u vezi sa raspodjelom budžetskih sredstava organizacijama civilnog društva, te da se istima prezentiraju koristi koje nudi primjena LOD metodologije. Na kraju su učesnici radionice usvojili dva zaključaka:

Preporučuje se obavezno usvajanje LOD metodologije od strane Vlade Federacije BiH Organizirati obuku za predstavnike federalnih ministarstava iz oblasti „Upravljanje projektnim ciklusom i upoznavanje sa LOD metodologijom“.

Napominjemo da komponentu LOD III, koja je treći nastavak projekta "Jačanje lokalne demokratije" finansira Evropska unija iz sredstava Instrumenta za pretprijetnu pomoć (IPA) u iznosu od 2 miliona eura, a sprovodi Razvojni program Ujedinjenih nacija u Bosni i Hercegovini (UNDP BiH). Cilj projekta je doprinos demokratskoj stabilizaciji, pomirenju i daljnjem razvoju BiH kroz podršku odabranim JLS-ovima u uspostavljanju boljih odnosa između lokalnih vlasti i civilnog društva, te stvaranju finansijskih mehanizama za unaprijeđeno pružanje usluga.



Cilj organiziranja radionice je bio da se prikupe informacije o iskustvima i poteškoćama federalnih ministarstava u vezi sa raspodjelom budžetskih sredstava organizacijama civilnog društva, te da se istima prezentiraju koristi koje nudi primjena LOD metodologije.



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Grude

Partner općine Grude na projektu je JU Razvojna agencija ŽZH - HERAG, dok su suradnici na projektu Ministarstvo gospodarstva ŽZH, Ministarstvo prostornog uređenja, graditeljstva i zaštite okoliša ŽZH i Agencija za vodno područje Jadranskog mora Mostar.

NAČELNIK BREZE UGOSTIO DELEGACIJU OPĆINE KIKINDA

Delegacija općine Kikinda u čijem sastavu su bili Imre Kabok, član Općinskog vijeća zadužen za poljoprivredu, mjesne zajednice i udruženja građana, Jasmina Milankov, šefica kabineta predsjednika općine i Vesna Petković-Zagorac, predsjednica Udruženja akcijaša DORA, boravila je u posjeti općini Breza, navodi se na općinskoj web stranici.

Goste iz Kikinde primili su načelnik Općine, Halil Tuzlić, Mubera Salihović, šefica kabineta općinskog načelnika, Meliha Beširević, pomoćnica načelnika za privredu, finansije i opću upravu, Arif Sirotnović, zamjenik predsjedavajućeg Općinskog vijeća i Senija Tuzlić, predsjednica Udruženja žena „Behar“.

Razmjenjujući iskustva koja pridonose razvoju i boljem položaju lokalne zajednice, predstavnici općina istakli su potrebu za uspostavljanjem međusobnog partnerstva s ciljem delegiranja pitanja od zajedničkog interesa, konsolidacije i unapređivanja postignutih standarda dobre uprave, kao i iznalaženja novih pristupa u rješavanju aktualnih i budućih izazova u lokalnoj upravi.

Milankov je u ime predsjednika Općine Kikinda Save Dobranića i u svoje zahvalila Tuzliću i saradnicima na toplom i prijateljskom prijemu u Brezi, izražavajući nadu da će predstavnici općina pronaći zajedničke interese.



OPĆINA GRUDE SA SPLITSKO-DALMATINSKOM ŽUPANIJOM U PROJEKTU VRIJEDNOM BLIZU 700.000 EURA



Načelnik općine Grude Ljubo Grizelj potpisao je u 12. jula/srpnja ugovor o dodjeli bespovratnih sredstava iz IPA Programa prekogranične suradnje između Hrvatske i Bosne i Hercegovine za projekat Imotsko-Bekijsko polje – održiva upotreba vodnih resursa Imotskog –Bekijskog polja.

Ukupna vrijednost projekta je 689.165,81 EUR, a predviđeno trajanje projekta je 24 mjeseca. Partner općine Grude na projektu je JU Razvojna agencija ŽZH - HERAG, dok su suradnici na


projektu Ministarstvo gospodarstva ŽZH, Ministarstvo prostornog uređenja, graditeljstva i zaštite okoliša ŽZH i Agencija za vodno područje Jadranskog mora Mostar.

U projektu kao partneri iz Republike Hrvatske sudjeluju Splitsko-dalmatinska Županija i Javna ustanova RERA SD za koordinaciju i razvoj Splitsko-dalmatinske županije. Ukupan proračun kojim raspolažu koji općina Grude iznosi 327.373,75 EUR. Iznos bespovratnih sredstva koja će se dobiti od EU iznosi 277.907,58 EUR, preostali iznos od 49.466,17 EUR (15,11%) sufinanciraju općina Grude i partner na projektu HERAG.

Neki od očekivanih ciljeva projekta su: trajna prekogranična koordinacijska suradnja za održivo upravljanje vodnim resursima za Imotsko-Bekijsko polje; podizanje svijesti o mogućnostima za financiranje iz strukturnih fondova Europske unije; izrada idejnog rješenja za sustav navodnjavanja i odvodnje na području Imotsko-Bekijskog polja; izrada studija utjecaja okoliš i smanjenje onečišćenih područja na Imotsko-Bekijskom polju.

Savez / Zajedno za uređenu i razvijenu lokalnu samoupravu

KREIRANA VIRTUELNA ŠETNJA KROZ MOSTAR



Turistička zajednica Hercegovačko-neretvanskog kantona i Mario Gerusi osnivač agencije "Inovativo" poklonili su novi projekt građanima Bosne i Hercegovini – Mostar GIGAPIXEL panoramu.

Virtualna gigapixel panorama grada Mostara je direktno namijenjena svima koji žele virtuelno posjetiti Mostar i prošetati vrelim kamenom koji je vremenom postao i simbol ovog

prelijepog grada u srcu Hercegovine.

Gigapiksel panorama Mostara je sačinjena od dvije fotografije veličine 12 i 18 gigapiksela koje su pojedinačno načinjene od 2210 razdvojenih fotografija. Osim virtualne šetnje gradom Mostarom, svi posjetioci www.mostarpanorama.info će moći detaljno razgledati i simbole grada poput Bišćevića kuće, Kajtažove kuće, Muzeja Hercegovine, Muslibegovića kuće, Karadžozbegove džamije, Župe sv. Petra i Pavla i neizostavnog Starog Mosta.

- Gigapiksel panorama grada Mostara predstavlja jedan od najboljih načina promocije značajnih turističkih destinacija širom Bosne i Hercegovine pa tako i grada Mostara. Tim mladih ljudi koji čine "Inovativo" na čelu sa voditeljem Mariom Gerusijem se nada da će konkretnim akcijama poboljšati web prezentaciju grada Mostara kao i turističkih vrijednosti koje su do sada bile skrivane od šire internetske publike koja je ciljana skupina kojoj se obraća turistička zajednica Hercegovačko-neretvanskog kantona - istakao je direktor turističke zajednice HNK Andrija Krešić.


PLANIRANE AKTIVNOSTI SAVEZA OPĆINA I GRADOVA FBiH NA IMPLEMENTACIJI ILDP PROJEKTA


Predsjedništvo Skupštine Saveza općina i gradova FBiH je, na sjednici održanoj 03.07.2013. godine usvojilo dokumente: Akcioni plan za 2013. godinu (UNDP-ILDP) i koncept Aktivnosti Saveza općina i gradova FBiH u vezi sa ovim planom. U nastavku vam donosimo koncept pomenutih aktivnosti.

AKTIVNOST 1: Sačiniti detaljan plan rada i dinamiku za uspostavu i funkcioniranje i održive usluge pomoći - help deska tebiltena i ostalih sredstava komuniciranja, kao servisa vezanog za potporu lokalnim samoupravama u vezi unapređenja strateškog planiranja i implementacije razvojnih aktivnosti a u skladu sa MIPRO metodologijom koja je podržana od strane nadležnih tijela Saveza.

Savez Općina i gradova FBiH će, u dogovoru sa predstavnicima ILDP projekta, dogovoriti detaljne aktivnosti vezane za uspostavljanje „servisne linije“ za jedinice lokalne samouprave, a u skladu sa Akcionim planom koji će se odnositi na period trajanja ugovora. Aktivnosti koje će se detaljnije razraditi kroz Akcioni plan su, između ostalog, struktura i raspodjela odgovornosti unutar Saveza, te vremenski rokovi za realizaciju planiranih aktivnosti. Aktivnosti koje će se detaljno razraditi kroz Akcioni plan će se odnositi na:

- izradu dijela web stranice koja će pokrivati aktivnosti SOG-a na unapređenju strateškog planiranja i implementacije razvojnih aktivnosti JLS u skladu sa MiPRO metodologijom,
- vrstu i obim podrške koju će Savez pružati jedinicama lokalne samouprave u oblasti lokalnog razvoja,
- način prikupljanja i distribucije informacija članicama Saveza o mogućnostima finansiranja projekata i programa JLS,
- način prikupljanja dobrih praksi strateškog planiranja i implementacije razvojnih aktivnosti na lokalnom nivou i njihove promocije putem e-biltena i web-a,
- obim aktivnosti koje će Savez, kroz rad komisija, realizirati u području izrade politika, odnosno realizirati kroz podršku procesu izrade i usvajanja Nacrta zakona o strateškom planiranju koji ILDP trenutno sprovodi.





AKTIVNOST 2: Uspostavljeni „help desk“ održavati kao stalni, održivi servis unutar Saveza, a kao dio paketa usluga JLS članicama Saveza u FBiH, koji će promicati, davati savjete i pružati ažurirane informacije koji se odnose na integrirani lokalni razvoj

Ova aktivnost će se realizovati kroz dva „alata“. To su web stranica saveza i e-Bilten.

Web stranica

Savez općina i gradova FBiH će kreirati poseban dio unutar postojeće web stranice, koji će se odnositi na strateško planiranje i implementaciju razvojnih aktivnosti na lokalnom nivou i biti će namijenjen vođstvu i praktičarima jedinica lokalne samouprave.

Jedinice lokalne samouprave će na tom mjestu moći pronaći informacije vezane za primjenu MiPRO metodologije u BiH, teoretska i praktična znanja i savjete koji su vezani za procese strateškog planiranja, te primjere dobre prakse jedinica lokalne samouprave koje su uspješno sprovele ove procese. Između ostalog, to će značiti postavljanje MiPRO metodologije integriranog planiranja lokalnog razvoja na web stranicu, te interaktivne aplikacije/formulara koja će se koristiti za pružanje savjeta i korisnih informacija vezanih za strateško planiranje, gdje će zainteresirani praktičari JLS moći postaviti pitanja i dobiti potrebne odgovore. Takođe, na web stranicu će se postaviti važeće razvojne strategije JLS, koje su uspješno završile proces strateškog planiranja, ali i izvještaji o realizaciji planova implementacije strategija za prethodni period. Ovaj dio stranice će predstavljati mjesto gdje će se JLS moći naći sve potrebne informacije, dobiti savjete, pomoć u sprovođenju procesa strateškog planiranja ali će predstavljati i način promovisanja MiPRO metodologije i širenja njene primjene širom Federacije BiH. Poseban dio web stranice će biti namijenjen za „biblioteku“ trening materijala (prezentacija i pratećih materijala) sa održanih ILDP programa obuke za jedinice lokalne samouprave.

e-Bilten Saveza

Savez će koristiti elektronski Bilten koji izdaje u redovnoj aktivnosti, te 4 puta godišnje objavljivati različite informacije vezane za procese strateškog planiranja, odnosno primjere dobrih praksi i alata, intervjue sa načelnicima koji su uspješno primijenili MiPRO metodologiju i ostvarili dobre rezultate u realizaciji definisanih strateških ciljeva i prioriteta i sl. Za ovu svrhu, Savez će pripremiti sažet upitnik o dobrim praksama ali i ključnim problemima sa kojima se suočavaju lokalne samouprave u procesu strateškog planiranja i implementacije razvojnih aktivnosti. Upitnik će periodično biti dostavljan načelnicima i razvojnim timovima u lokalnim samoupravama s ciljem redovnog ažuriranja informacija a pored ostalog, mogu biti korištene za pripremu članaka redovnog/ tematskog Biltene posvećenog stanju strateškog planiranja i implementacije u JLS u FBiH.

AKTIVNOST 3: Aktivno sudjelovanje u ponuđenim treninzima vezanima za integrirano planiranje lokalnog razvoja

U svrhu jačanja kapaciteta te poboljšanja kvaliteta usluga koje će Savez pružati jedinicama lokalne samouprave, predstavnik Saveza će prisustvovati obukama vezanim za procese strateškog planiranja, a koje će biti u organizaciji ILDP-a. Na taj način će se unaprijediti savjetodavne i ostale usluge koje će pružati jedinicama lokalne samouprave u procesima strateškog planiranja lokalnog razvoja. Pored ostalih relevantnih obuka, predstavnik Saveza će se posebno fokusirati na programe posvećene jačanju međupćinske saradnje (a koje se organiziraju u sklopu ILDP/MTS projekta). Također, krajem godine, predstavnik Saveza će u saradnji sa ILDP regionalnim uredima u FBiH prikupiti/prisustovati tematskim sastancima posvećenim razradi projekata međupćinske saradnje a koji se organiziraju u sklopu podrške ILDP projekta lokalnim samoupravama u FBiH.

AKTIVNOST 4: Jačanja kapaciteta komisija Saveza kako bi obezbijedili i pružili podršku JLS

Savez općina i gradova FBiH će organizirati sjednice Komisije za ustavna i zakonodavna pitanja i Komisije za razvoj i unapređenje lokalne samouprave, ali i Predsjedništva Saveza, kako bi se pokrenula rasprava, dali komentari i mišljenje o Nacrtu zakona o strateškom planiranju u FBiH. Nacrt zakona trenutno je u izradi, a aktivnost sprovede Federalno Ministarstvo pravde zajedno sa ILDP-om. Planirano je da se održe 3 sjednice u procesu pripreme Nacrta i usvajanja zakona. Predstavnik Saveza će, takođe, biti sastavni dio radne grupe koja radi na pripremi Nacrta zakona, te će prisustvovati svim sastancima.



Swiss Agency for Development and Cooperation SDC





Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Agency for Development
and Cooperation SDC



AKTIVNOST 5: Organizirati i koordinirati horizontalno i vertikalno informisanje o stanju strateškog planiranja i implementacije strategija razvoja u JLS te ažurirati i druge relevantne informacije kroz raspoložive kanale (mediji, e-mail, okrugli stolovi, itd.), a kako bi se unaprijedila usklađenost strateškog planiranja JLS sa strategijama viših nivoa vlasti, uključujući i uspostavljanje mehanizama za ciljanu podršku viših nivoa vlasti i donatorskih organizacija realizaciji razvojnih prioriteta prepoznatih u strategijama razvoja na lokalnom nivou.

Savez općina i gradova FBiH će svim ministarstvima na kantonalnom, entitetskom i državnom nivou poslati dopis vezan za dostavljanje informacija o raspoloživim finansijskim sredstvima za finansiranje lokalnih prioriteta. Prikupljene informacije će se objaviti na web stranici Saveza i biti redovno ažurirane sa novim informacijama. Nakon što se sprovede aktivnost mapiranja raspoloživih finansijskih sredstava, Savez općina i gradova FBiH će zajedno sa predstavnicima ILDP-a uzeti učešće na zajedničkim sastancima sa relevantnim FBiH ministarstvima koja imaju sredstva za finansiranje lokalnog razvoja u 2013. godini, a kako bi zagovarali eventualno povezivanje kriterija za finansiranje projekata sa lokalnim strategijama razvoja i definisanim prioritetima.

U sklopu redovnih kontakata Saveza sa međunarodnim organizacijama aktivnim na lokalnom nivou u FBiH Savez će prikupljati informacije o programima podrške lokalnim samoupravama a sa posebnim fokusom na programe usmjerene na realizaciju prioriteta prepoznatih u lokalnim strategijama razvoja.

Kao podaktivnost Savez će, također, provesti anketu/istraživanje među svojim članovima u svrhu procjene stanja strateškog planiranja i implementacije strategija razvoja u JLS u FBiH te izvršiti analizu dobijenih rezultata.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipabc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

OPĆINE KOJE OBILJEŽAVAJU SVOJ DAN U MJESECU AUGUSTU/KOLOVOZU

06. august/kolovoz - Dan Općine Cazin, te predstavlja i sjećanje na dan kada je deblokiran Cazin, ali i područje Unsko-sanskog kantona u proteklom ratu.



Cazin

15. august/kolovoz - Dan Općine Široki Brijeg. Naime, ovaj datum se obilježava kao blagdan Velike Gospe.



15. august/kolovoz - Dan Općine Posušje. Ovaj datum je značajan za Posušje jer se na taj dan obilježava Velika Gospa.

15. august/kolovoz - Dan Općine Kreševo.



Kreševo



Posušje



Široki Brijeg

Savez / Zajedno za uređenu i razvijenu lokalnu samoupravu

**Savez općina i gradova Federacije
Bosne i Hercegovine**

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

WWW.SOGFBIH.BA

OPĆINE KOJE OBILJEŽAVAJU SVOJ DAN U MJESECU AUGUSTU/KOLOVOZU

16. august/kolovoz - Dan Općine Busovača. Pod svojim sadašnjim imenom Busovača se u pisanim dokumentima prvi put spominje 16.08.1371. godine kada je izvjesni Gojko Čepić iz Busovače prodao Johanu Rombaldu Bonu 30 miliarija gvožđa. Navedeni datum je upisan na grbu grada Busovače i obilježava se kao Dan Općine.

20. august/kolovoz - Dan Općine Olovo. Na ovaj datum je ukopan prvi ŠEHID u „Šehidskom mezarju“ u Solunu (naselje u blizini Olova).

29. august/kolovoz - Dan Općine Visoko. Ovaj datum se veže za datum izdavanja Povelje Kulina Bana 29.08.1189. godine.


31. august/kolovoz - Dan Općine Neum.



Busovača



Olovo



Visoko



Neum

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.